

進賢縣志卷一

輿地

進賢置縣肇於晉而成於宋地勢東寬而西狹上接臨汝
下通彭蠡邨落湖山星羅碁布物產饒裕風氣樸淳斯亦
東南之樂土矣或曰進賢以澹臺名或曰以棲賢山名往
哲之流風餘韻猶有存者記稱山川特秀人尚清淨不虛
也志輿地二卷凡沿革星野疆域形勝山川坊都街市風
俗物產悉隸焉

輿地

沿革 星野 疆域 形勝

沿革

進賢縣志

卷一 輿地

虞夏古揚州域

淮海惟揚州 禹貢

禹貢揚州之域 元和郡縣志

商揚州域

江南曰揚州注此蓋殷制 爾雅

周揚州域

東南曰揚州 周禮職方氏

洪州春秋戰國時並屬楚 通典

按舊志沿革溯源於春秋之豫章今攷能改齋漫錄云豫
章之名在江北者有其地而非郡在江南者建郡而非春

秋之時顧景范方輿紀要云古豫章大抵在江漢之北左傳昭六年楚伐吳師於豫章次於乾谿十三年楚師自徐吳人敗之豫章二十四年楚子爲舟師以略吳疆越大夫胥犴勞王於豫章之汭三十一年吳圍弦楚救弦及豫章吳師還定二年楚人伐吳師於豫章吳人見舟於豫章而潛師於巢以敗楚師於豫章遂圍巢克之四年吳人舍舟於淮汭而自豫章與楚夾漢杜預曰豫章當在江北淮南柏舉之役豫章又似在漢東江北豈自昔由江漢之間以達於淮豫章實爲要害而今不可考歟又按乾谿在今江南亳州徐在泗州弦在光州則豫章當在近淮之光州壽進賢縣志

卷一

輿地

二

州之間與漢之豫章全不相蒙者也南昌府志曰談說義理後人容有勝前人者若推驗地形考論名義後人必不若前人之審今反覆諸家之議論推求當日情勢益嘆杜註爲不可易彼酈道元之註水經裴駟張守節之註史記稱引豫章皆謬說也

秦九江郡地

始皇二十六年分天下爲三十六郡註九江郡其一也

史記秦始皇本記

洪州秦爲九江郡

太平寰宇記

漢揚州豫章郡南昌縣地

豫章郡註屬揚州 漢書地理志

漢改九江為淮南國而分置豫章郡吳芮王長沙兼得其地
通典

高帝分置豫章郡景帝初入於漢領南昌等縣十八 方輿紀要

進賢縣本漢南昌縣東境 寰宇通志

按漢書高帝紀四年立黥布為淮南王布傳豫章屬焉又

高帝紀五年以長沙豫章等郡立番君芮為長沙王紀傳

不同其後先分割之故不可考 大清一統志

據漢紀景帝初議削吳豫章會稽郡則豫章吳地或曰南

境屬長沙也 方輿紀要

進賢縣志 卷一 輿地 三

新莽九江郡宜善地

豫章郡註莽曰九江南昌註莽曰宜善 漢書

東漢揚州豫章郡南昌縣地

豫章郡二十一城南昌右揚州刺史部 後漢郡國志

三國吳揚州豫章郡南昌縣地

吳揚州治建業領郡十三曰豫章故郡也 方輿紀要

晉太康初析南昌置鍾陵縣隸揚州豫章郡尋省入南昌後屬

江州

豫章郡統縣十六南昌鍾陵 晉書志

晉初隸揚州元康元年分揚荆二州地置江州治豫章後治

武昌咸康中移治潯陽

大清一統志

按鍾陵置縣 大清一統志方輿紀要江西通志乾隆府

志俱斷自晉始輿地廣記云建安中孫權據吳析南昌地

置富城鍾陵宜豐三縣康熙聶志云孫權析南昌地置富

城鍾陵宜豐三鎮而鍾陵鎮立於大茅渡今治所也後升

為鍾陵縣晉武帝時縣廢太康元年乃復升鎮為縣二說

皆以為吳置年代濶遠紀載異辭疑以存疑可也惟按吳

主皓庚子三月降晉收其圖籍克州四郡四十三即武

帝太康元年舊志劃一年一人為兩代則載筆者之誤也

宋齊江州豫章郡南昌縣地

進賢縣志

卷一

輿地

四

宋豫章太守隸江州領縣十二

宋書州郡志

宋齊以後并為豫章郡

太平寰宇記

梁陳復置鍾陵縣隸江州豫章郡

梁陳時復置南史梁武帝擢郭祖深為豫章鍾陵令又陳武

帝封從子褒為鍾陵縣侯是也

大清一統志

梁大寶元年以豫章置豫州太平元年分江州之巴山臨川

安城豫章四郡置高州旋廢二年又移江州治豫章

大清一統志

按此則豫章曾隸高州矣以為時甚暫故不更分列

隋省入豫章縣隸洪州後隸豫章郡

隋時縣廢

大清一統志

隋平陳改南昌為豫章縣以郡名邑

太平寰宇記

隋平陳罷郡為洪州煬帝初廢州又為豫章郡

太平寰宇記

唐武德五年復置鍾陵縣屬洪州八年省入豫章縣後為南昌縣地屬江南西道

武德五年析豫章置鍾陵縣又置南昌縣八年省南昌鍾陵
唐書註

武德五年平林士宏置洪州總管府天寶元年改為豫章郡

乾元元年復為洪州 太平寰宇記

唐寶應元年改豫章縣為鍾陵因山為名貞元中又改曰南昌
太平寰宇記

進賢縣志

卷一

輿地

五

寶應元年避代宗諱改豫章曰鍾陵貞元中又改曰南昌

輿

地廣記

貞觀初屬江南道開元二十二年分為江南西道治洪州
皇輿表

五代吳洪州南昌縣地南唐南昌府南昌縣地屬鎮南軍

洪州五代時初屬揚吳後屬南唐

皇輿表

南唐交泰二年十一月改洪州為南昌府建南都領縣七
十國春秋地理表

洪州鎮南軍唐置吳南唐因之

十國春秋

宋改置進賢鎮崇寧二年升為縣隸江南西路隆興府

崇寧二年分南昌四鄉新建二鄉合本鎮改爲縣仍曰進賢
宋朝會要

宋崇寧二年從郡守張綬請升鎮爲縣而割南昌歸仁崇禮
崇信真隱四鄉及新建玉溪東西二鄉置縣大觀二年復返
新建二鄉而割南昌欽風鄉益之
聶志

宋屬江南路天聖中亦分爲江南西路治洪州
方輿紀要
宋初復曰洪州隆興三年升隆興府
皇輿表

按方輿紀要云唐武德八年廢爲進賢鎮聶志云晉太康
七年復爲進賢鎮而進賢之名始立據
大清一統志云
宋改置進賢鎮今因之

進賢縣志

卷一

輿地

六

元進賢縣隸江西等處行中書省龍興路

至元十四年置江西等處行中書省
皇輿表

至元十四年改府爲路二十一年改曰龍興路
方輿紀要

明進賢縣隸江西布政使司南昌府

洪武九年改行中書省爲承宣布政使司
明史

明初壬寅年正月爲洪都府癸卯年八月改南昌府領州一
縣七進賢府東南
明史

國朝進賢縣隸江西布政使司南昌府領鄉五編戶一百九十
八里

南昌府領州一縣七進賢府東南一百一十里
大清一統志

雍正九年以督糧道領轄南昌撫州建昌三府爲督糧兼巡南撫建道

江西通志

或曰省城有進賢門相傳澹臺滅明南遊從此門進此進賢義或曰縣東有棲賢山故名

郡縣釋名

星野

二十八舍主十二州斗秉兼之所從來久矣吳楚之疆候在熒惑占於鳥衡

史記天官書

吳地斗分埜也今之會稽九江丹陽豫章廬江廣陵六安臨淮郡盡吳分也

漢書地理志

豫章入斗十度又曰南斗之第四星主豫章

晉書天文志

進賢縣志

卷一

輿地

七

北方南斗六星南星者魁星也北星杓也石申曰魁第一主吳二會稽三丹陽四豫章五廬江六九江

宋史天文志

玉衡第六星主揚州常以五巳日候之乙巳爲豫章辛巳爲丹陽己巳爲廬江丁巳爲吳郡會稽癸巳爲九江凡六郡

星經

豫章入斗十度

鄭樵通志

南昌瑞州饒州臨江袁州廣信撫州建昌贛州南安禹貢揚州域星紀斗分

清類天文分野書

南昌饒州廣信南康建昌撫州臨江吉安瑞州袁州贛州南安天文斗分野

明一統志

晉張華雷煥見斗牛間紫氣求之得寶劍於豐城故王子安滕

王閣詩序云物華天寶龍光射斗牛之墟吳分也又云星分翼軫地接衡廬玉海云天關翼軫之疆地振江湖之國則以其近於楚分也而或者以子安爲誤誤矣於次爲星紀爲鶉尾郭子章豫

豫章之地春秋時以爲楚之東境據天文則吳之分野涂廩續豫章記

按史記楚世家昭王十二年吳伐楚取番正義括地志云饒

州鄱陽縣春秋時爲楚東境秦爲番縣是則江西郡縣春秋

二百年本屬楚至魯定公時始爲吳有耳江西通志

一統志豫章十三郡皆禹貢揚州之域而九江南康則地兼乎

荆天文斗分野而九江則宿兼乎牛考牛宿本位居丑之次爲

進賢縣志

卷一

輿地

吳越揚州之分六星凡七度此王勃所謂斗牛之墟者乎然斗二十五度所分野之地週數千餘里躔度次舍宜有確然不爽者考之天文諸書以及各郡舊志類皆沿習異同不能分晰各度乃蒐求遺書獲殘卷一帙二十八宿分野之圖說僅存云斗六星二十五度爲吳之分野南昌入斗八度饒州廣信同居七度瑞州三度建昌五度撫州六度吉安九度贛州十二度南康臨江袁州南安俱斗四度九江則入牛五度雖分郡甚晰然與九江入斗一度豫章入斗十度從前諸家又相逕庭矣豈氣數遷移古今懸隔不相符合一至此乎江西志論

天文圖斗六星二十五度吳之分野南昌與焉則豫章主斗無

疑矣以豫章近婺州專應牛宿者臆說也

章兆瑞辨

長沙東過左轄中有進賢星今長沙去此不遠而婺州長沙皆星立名則進賢以星名無可疑也

聶志

疆域

縣治在府東南一百二十里廣一百三十里袤一百四十里

府志

東至餘干縣治一百四十里而潤溪爲之界東六十里西八十里

西至南昌縣治一百二十里而荏港爲之界東六十里西六十里

南至臨川縣治九十里而界牌鋪爲之界南五十里北四十里

進賢縣志

卷一

輿地

九

以上聶志

北至鄱湖中梅溪汎饒州府餘干縣界一百五十里而蚌湖爲之界北十五里南一百三十五里

東南至東鄉縣治九十里而野塘爲之界東南五十里西北四十里

西南至豐城縣治一百四十五里而平湖寺爲之界東北九十五里西南五十里

東北至餘干縣瑞洪一百二十里

西北至新建縣趙家圩一百四十里

以上聶志

西北大路自縣出雲橋鋪六十里至荏港街南昌縣交界東陸

大路自縣由牌坊下四十八里至野塘撫州府東鄉縣界東南
陸大路自縣四十五里至禮坊村撫州府臨川縣界小陸路自
縣至棗樹鋪分路往東北四十里至潤陂鎮饒州府餘干縣界
一自縣往西四十七里至三江口豐城縣界

府志

一水路自縣北師過橋至傅家渡上向東至程家橋 又自傅
家渡下向西至托固橋 又自傅家渡沿徐家渡下向西北歷
廻峯谷岐折南過西淙渡向東南至羅溪 又自徐家渡向西
北歷太平渡分西南至渡頭分西北至幽蘭塘 又自太平渡
向東北歷新墟渡由北岸小港西北過松林渡至涇口向西至
柘林折而南至武沙港謝埠武陽渡荏港温家圳三江口李家
進賢縣志

卷一

輿地

十

渡等處 又自涇口下白沙湖向西北至八字腦西至楊家灘

合徐汊達於省城若水落則不可行 一水路自縣北師過橋

至英山下新墟渡向東北至南溟寺分東往趙家鋪分東南往

前坊新墟 又自南溟寺向北歷神浦至三陽折東南入軍山

湖汊至梅莊南臺自南臺東分池溪西分中結渡南至洪源等

處 又自三陽歷蘆潯合軍山湖水至鄱口折西北出金谿湖

金谿湖分右合信河達瑞洪向西北至鄱陽湖中梅溪汎向北

至鄱陽湖中康郎山向東北至表岸向正北至團墩俱合饒河

金谿湖分左合撫河向南折西過烏龜砦至趙家圩向西南至

徐汊歷稠口向西折南至七里街以達於省城若水落不通舟

則由梅溪向西過喻坊砦折而南合省河達於省城 一水路
自縣東丹鳳橋至常湖分南二十餘里至壽山橋分東四十餘
里至涂坊港若水落則不可行

按舊志萬浩曰進之路視昔五加其二蓋東鄉未立距安仁
一百七十里宦遊者率從舟也自有東鄉多自安仁起陸是
進賢加一路矣其距豐城經涉九渡原非通衢故沿途不設
遞鋪以此也奈近日士大夫避省城之人事公差牌票畏司
院之查革迂道紛至是進賢又加一道矣斯語進賢衝疲實
錄也述以告四方君子 蕭志

形勝

進賢縣志

卷一

輿地

十一

楚之東境吳之西境

唐元和郡縣志

水陸四通山川特秀

宋雷次宗豫章記

東南山如青黛稻田萬頃翠綠相際水流其間小舟沿溯上下
元包希魯記

奇峯繞郭泉流清瀉映帶縈曲且彭蠡之巨浸在焉

元熊鈞序

進賢爲豫章壯邑延袤凡數百里

明王一夔序

北湖澄淵緱山砥柱洞陽蕩其西瑞洪浸其東

明萬恭形勝說

閩越交通撫饒錯界

府志形勝說

九曲瀾流三台屹立

舊志圖記

上接臨汝之區下通彭蠡之滙九曲之流繞其前羣山之勝擁

其後 舊志

按進賢地脈從五嶺迤杉關與閩分水迤爲瀘溪金谿東鄉入界起雄嵐峯至仙壇嶺西行由榭山麻山高宗嶺入城南白馬廟少駐東分爲儒學西迤至壇石山爲縣治兩支交會此其大勢也東南一支過香爐峯折西北至於三陽又東過仙壇大石至於鄔子西南一支由蘆崗嶺分流嶺銅嶺西爲泉嶺西北爲漸嶺止武陽渡北爲羅嶺喻家嶺漸嶺之脈又西經土坊過南邑之郭上竹林萬坊入進賢境北渡水衍爲白沙東北至宋家山渡大河爲二十九都轉向南逆行爲二十八都二十七都至畚上止面三陽以受諸水之委又分一支爲青山臨三陽河則進賢縣志

卷一

輿地

三

撫河西河之水畢聚而饒信二水亦環抱矣

縣志

西鄉界岡朱坊雪山等處在撫河之西其與邑治之龍自五嶺卽分其脈與郡龍同祖從五嶺迤樂安崇仁入豐城起羅山歷楮山至進賢帳幕嶺入省而白湖嶺鶴仙峯之分脈咸共焉

縣志

流嶺羅嶺泉嶺漸嶺等處西行一脈之餘也雄峯仙壇東行如香爐山捉牛岡鳳嶺東關盡大石橋爲

縣志左護如超岡嶺北嶺

英山三陽鄔子處所東行一脈之餘也

縣志

進賢之水以三陽爲經九曲羅溪池陂爲緯而鄱陽湖則其統滙也軍山湖一曰南陽在縣之東北師古嶺之鍾陵水香爐峯之池陂水北流過日月湖自東南來注之青嵐湖一曰洞陽在

縣之西北流嶺之清溪水自西南來注之九曲常湖合香爐峯之通濟港水榭山之院澤長樂優遊看源諸水自東南來注之白沙湖一曰武陽在青嵐之西南三十都之水所匯而汝水之浸也南陽洞陽武陽合流於二十七都之南故其地名曰三陽由此下合撫水入東鄱湖又至康山始合樵舍昌邑之水會西鄱湖此進賢水勢之大凡也

按舊志以鍾陵水匯於青嵐湖通濟港水匯於洪源湖誤又云軍山一曰陽方按縣北別有陽方湖南陽爲三陽之一而池陂港一名南陽水北匯於軍山湖則軍山卽南陽也